

6. august 2018

Inatsisartut suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

**Naalakkersuisut immap naqqani misissuiffigineqaqqaarnissaa aammalu misissornissaa qanoq akeqassangatippaat, una siunertaralugu immatigut Tunumut ingerlaartussamik kabililersuisoqassappat?**

(Inatsisartuni ilaasortaq, Laura Táunâjik, Siumut)

**Tunggavilersuut:**

Netti annertuumik nassiussuiffitalik / Netti sukkanerpaaq Nunatta inerisarnissaannut unamminarluartumik sunniuteqaqataasut oqaatigineqarsinnaapput: Netti aqqutigalugu nakorsiarsinnaaneq aammalu ilinniarfik najornagu ilinniartitsineq atorluarumagaanni tamassa nakorsassaaleqinerumut ilinniartitsisussaaleqinermullu annertuumik ajornartorsiutaasumut iluaqutsiussagaluarparput. Nunarpummi isorartoqisoq eqqarsaatigissagaanni napparsimavippassuarni nakorsassaaleqivugut soorluttaa qamma atuarfippassuarni ilinniartitsisussaaleqisugut.

Videokonferencit atorlugit ataatsimiisitsinerit Nunatta angalanikkut aningaarsartuuterpassui eqqarsaatigalugit annertuumik sipaarutaasinnaaruttorput kommunerujussuarni aammalu Namminersornerusuni angallannikkut aningaasartuutit annertoreeqimmata. Netti annertuumik nassiussuiffitalik / Netti sukkanerpaaq pigigaanni atsaat Netti aqqutigalugu nakorsiarsinnaaneq aammalu ilinniarfik najornagu ilinniartitsineq ingerlanneqarsinnaavoq iluatsissinnaallunilu.

Netti annertuumik nassiussuiffitalik / Netti sukkanerpaaq inuussutisarsiutilinnut assut pingaaruteqarpoq, minnerunngitsumik takornariaqarnermik inerisaanitsinni, kissaatigigatsigumi takornariaqarneq Nunatta aningaasarsiornerani sukat pingaarnert ilagissagaat. Suliffinnik nutaanik aallarnisaasunut aamma netti pingaarpoq nunattami ilaani tunisassiornikkut allatigut periarfissaqarpiangitsoq nalunngereerparput.

Nalunaarasuartaatikku atassuteqarneq ullumi tunngavigaa immatigut kabeli, radiut atassuteqaqatigiiaat aammalu qaammataasiat.

Tamanna tunngavigalugu 2016-imi Naalakkersuisut aperaakka søkabeli Tunumut pilersinneqassappat periarfissaanersoq, imaluunniit arlaatigut akimmiffeqarnersoq (s.a. immap itissusaa, sikut il.il.)

Naalakkersuisut akissuteqaammini (§ 37-besvarelse nr. 183/2016), nalunaarput tamanna ilisimaneqanngitsoq. Tunumut immatigut kabilersuisoqassappat misissueqqaarnissat pisariaqarput kiisalu immap naqqatigut misissugaanissaa pisariaqassalluni.

Apeqquteqaatima siunertaa aningaasartuutaasussanut tunnganeruvoq tamakkumi qaammarsaavigineqartariaqarmata.